

Inzko s Ban Ki-moonom



Politički lideri nisu postigli konkretan napredak u Bosni i Hercegovini u zadnjih šest mjeseci, a visoki zvaničnici iz Republike Srpske i dalje osporavaju Mirovni sporazum, kao i suverenitet i teritorijalni integritet države, izjavio je danas visoki predstavnik Valentin Inzko u razgovoru s generalnim sekretarom UN-a Ban Ki-moonom u New Yorku.

Visoki predstavnik očekuje da će se u periodu pred izbore stranke i kandidati suzdržati od retorike podjele iz prošlosti, jer time se samo odvraća pažnja s konkretnih pitanja, koje izabrani predstavnici, po očekivanju građana, trebaju riješiti. Oni koji se natječu za funkciju trebaju objasniti biračima kako namjeravaju da se bore protiv korupcije, unaprijede ekonomsku klimu i povedu zemlju naprijed u procesu evroatlantskih integracija.

Nakon prezentacije šestomjesečnog izvještaja o provedbi mira pred Vijećem sigurnosti jučer, visoki predstavnik se sastao s generalnim sekretarom UN-a kako bi ga direktno izvijestio o situaciji na terenu u Bosni i Hercegovini.

Photo: UN Photo/Amanda Voisard (archive)